



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 49. Articulus de casibus reservatis discussus.

[urn:nbn:de:hbz:466:1-66577](https://nbn-resolving.de/urn:nbn:de:hbz:466:1-66577)

§. XLIX.

*Articulus de casibus reservatis dif-
cussus.*

Sæcul. XVI.

A.C. 1551.

Circa articulum septimum *de casibus re- servatis* Lovanienses Theologi obii- ciebant, quod a sanctis Patribus hac de re nulla fieret mentio, & Durandus, Gerfo, ac Cajetanus dixerint, nullatenus peccata, sed censuras esse Roma- no Pontifici reservatas, ut proin nimiam saperet severitatem, si anathema in illos pronuntiaretur, qui adversam te- nent sententiam. Præterea Archiepif- copi Colonensis Theologi Lovaniensibus suffragantes demonstrabant, apud alios veteres Scriptores nihil haberi de reser- vandis, nisi publicis delictis; eamque reser- vandi rationem a laudato Parisien- si Cancellario improbatam fuisse, atque ab hæreticis dici illam ad aucupandas pecunias inventam, prout etiam in sua morum emendatione Campegius affirmarat.

Hi iidem Theologi insuper de pub- lica pœnitentia mentionem fieri postu- labant, eoquod illam sancti Patres, ac præcipue D. Cyprianus, & S. Grego- riūs deprædicassent, eamque in pluri- bus epistolis tanquam necessariam pro- posuissent. His addebant, nisi circa „hæreticos, ac peccatores publicos

F 4 „hu-

Sæcul. XVI. „hujus poenitentiæ usus restauretur,
A.C. 1551. „nunquam Germania in pace consiste-
„re poterit. (*)

§. L.

*Capita, ac Canones ultima manu elab-
orati.*

Pallav. l. 12. t. 10. n. 28. Cum omnes hæ materiæ in variis Præ-

sulm conventibus essent discussæ, generalis Congregatio ad diem quintam Novembris indicebatur, ut ibidem decreta, & doctrinæ Canones accurate expensi, sine tamen anathemate referrentur, relicta licet cuivis facultate, ut desuper sua, si quæ occurrerent, dubia proponere posset. Placuit hoc consilium Tridentino Cardinali non minus, quam S. R. I. Electoribus, plurimisque aliis Archiepiscopis: præprimis vero Legatus, qui hac super re ceterorum sententias rogabat, rem tandem decidi, nec ultra ad incudem revocari gaudebat. Verum Granatensis Archiepiscopus, cum ex ordine ipsi dicendum erat, vehementer huic opinioni ob-

(*) Rursus hæc omnia Paulus Sarpius pro more suo adinvenit, & Continuator potius huic Scriptori impio, quam Pallavicino validis rationibus hæc commenta confutanti adhærere voluit.